



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Canones.

urn:nbn:de:hbz:466:1-15072

CANONES.

I.

Si quis vituperat nuptias, & dormientem cum viro suo fidelem ac ^m religiosam detestatur, aut culpabilem aestimat, velut quæ in regnum Dei intromovere non possit, anathema sit.

Difst. 31. Si quis vituperat.
Difst. 30. Si quis nuptias in ac.

II.

ⁿ Si quis carnem edentem, præter sanguinem, & idolis immolatum, & suffocatum, cum religione & fide condemnat, velut spem propter huiusmodi perceptionem non habentem, anathema sit.

Difst. 30. Si quis car-
nem man-

III.

^o Si quis seruum, prætextu diuini cultus doceat dominum contemnere proprium, vt discedat ab eius obsequio, nec ei cum benevolentia & omni honore deferuiat, anathema sit.

IV.

^p Quicumque discernit a presbytero qui vxorem habuit, quod non oporteat eo ^q ministrante de oblatione percipere, anathema sit.

V.

Si quis docet domum Dei contemptibilem esse, & Conuentus qui in ea celebrantur, anathema sit.

Difst. 30. Si quis docet do.

VI.

Si quis extra ecclesiam seorsum ^r Conuentus celebrat, & despiciens ecclesiam, ea quæ sunt ecclesiæ voluerit usurpare, non conueniente presbytero, iuxta decretum episcopi, anathema sit.

Difst. 30. Si quis extra eccles.

VII.

Si quis oblationes ecclesiæ extra ecclesiam ac-

R rr iij

cipere , vel dare voluerit , præter conscientiam episcopi , vel eius , cui huiuscemodi officia commissa sunt , nec cum eius voluerit agere consilio , anathema sit .

VIII.

Si quis dederit , vel acceperit oblata præter episcopum , vel eum qui constitutus est ab eo , ad dispensandam misericordiam pauperibus , & qui dat , & qui accipit , anathema sit .

IX.

* Quicumque virginitatem custodiens , aut continentiae studens , velut horrescens , nuptias temerat , nec propter hoc , quod bonum & sanctum est , nomen virginitatis assunit , anathema sit .

X.

Si quis ex his qui virginitatem propter Dominum seruant extollitur aduersum coniugatos , anathema sit .

XI.

Dif. 42. Si
quis despici-
cit.

* Si quis despicit eos qui fideliter agapas , id est , conuiuia pauperibus exhibent , & propter honorem Dei conuocant fratres , & noluerit communicare huiuscemodi vocationibus , paruipendens quod geritur , anathema sit .

XII.

* Si quis virorum propter continentiam , quæ putatur , amictu pallii vtitur , quasi per hoc habere se iustitiam credens , & despicit eos qui cum reuerentia birris & aliis communibus & solitis vtuntur , anathema sit .

XIII.

Dif. 30. Si
qua mulier.

Si qua mulier propter continentiam , quæ puta-

ANNO CHRISTI tur, habitum mutat, & pro solito muliebri amictum
virilem sumit, anathema sit.

XIV.

Si qua mulier virum proprium relinquens, disce-
dere voluerit, nuptias execrancs, anathema sit. Ibidem.

XV.

* Si quis filios suos relinquens non eos enatrit,
& quod ad se pertinet, non ad pietatem diuini cul-
tus informat, sed per occasionem continentiae neg-
ligit, anathema sit.

XVI.

Quicumque filii a parentibus prætextu diuini
cultus abscedunt, nec debitam reuerentiam depen-
dunt illis qui diuinum cultum sibi procul dubio
præferunt, anathema sint.

XVII.

* Si qua mulier, propter diuinum cultum (vt æ-
stimat) crines attondeat, quos ei Deus ad subie-
ctionis materiam tribuit, tamquam præceptum dis-
soluens obedientiæ, anathema sit.

XVIII.

Si quis propter continentiam, quæ putatur, ^b aut
contumaciam, in die dominico ieiunat, anathema
sit.

XIX.

* Si quis eorum qui continentiae student abs-
que necessitate corporea tradita in commune ieu-
nia, & ab ecclesia custodita superbiendo dissoluit,
stimulo suæ cogitationis impulsus, anathema fit.

X X.

^d Si quis superbiæ vſus affectu, Conuentus abo-

Dicit. 30. Si
quis eorum
quin.

minatur, qui ad confessiones martyrum celebantur, & ministeria quæ in eis fiunt simul cum eorum memoriis execratur, anathema sit.

Et subscriperunt supra nominati sexdecim episcopi.

Distin. 30.
Hæc autem
scripsimus. Hæc autem scripsimus, non, qui in ecclesia Dei secundum scripturas sanctum propositum continentiae eligunt, vituperantes, sed eos qui abutuntur proposito in superbiam, & extolluntur aduersus simpliciores, abscondimus, & damnamus eos qui aduersum scripturas & ecclesiasticas regulas noua introducunt præcepta. Nos autem & virginitatem cum humilitate admiramur, & continentiam quæ cum castitate & religione suscipitur approbamus, & renuntiationem sæcularium negotiorum cum humilitate recipimus, & nuptiarum castum vinculum honoramus, & diuitias cum iustitia & operibus bonis non spernimus, & habitum simplicem ac vestem viliorem, pro corporis diligentia infucatum, laudamus, sicut etiam solutas ac fractas in vestibus processiones reprobamus. Et domos Dei honoramus, & Conuentus qui in his fiunt, tamquam sanctos & utiles suscipimus, pietatem in priuatis domibus non claudentes, sed omnem locum in nomine Dei ædificatum honoramus, & congregationem in eadem ecclesia factam pro utilitate communi recipimus. Et bona opera, quæ supra vires in fratres pauperes exercentur, secundum ecclesiasticas traditiones beatificamus, & omnia quæ per sanctas scripturas & per apostolos sunt tradita, in ecclesia celebrari exoptamus.

CANO-